

弁山小隱吟錄

全

弁山小隱吟錄

PDG

欽定四庫全書提要

弁山小隱吟錄二卷元黃玠撰玠姓名不見於史傳
惟湖州府志載玠字伯成慈谿人宋黃震之曾孫清
苦力學無所不通周遊西湖樂吳興山水因卜居弁
山與趙文敏遊文敏稱許之有卞山集知非稿唐詩
選纂韻錄等書獨不載此集之目或後人併爲一編
改題此名歟其詩不爲近體視宋末江湖諸人惟從
事五七言律者志趣殊高中多勸戒之詞其上者有
元結遺意次者亦近乎白居易雖宏闊深厚不能及
二人要於俗音嘈囀之中讀之如聽石鐘磬矣前有
自序稱蔑有令德不敢謂隱獨以所得於天者薄故

將退藏以終其身又引文中子之說稱願上之人正
身修德使時和歲豐已受其賜尤粹然有德之言勝
矯語高蹈者萬萬也乾隆五十一年五月恭校上

弁山小隱吟錄序

黃氏之先宋祥符中自溫之樂清徙明之慈溪

闕二先

字

生以來世篤儒業曾大父臨川府君建節鄉部始來城
居宦成而家益貧三子先大父最長至元丙子家燬于
兵厥後子孫挈而西來叔氏依婦家于越其在鄉里守
墳墓唯仲氏而已自余之西四十有餘載教授諸生以
資其養髮種種且白來日其幾餘哉又如是不止行將
焉歸蔑有令德不敢謂隱獨以所得於天者薄不能顯
故將退藏以終其身雪水之陽弁山之下有邱岑蔚思
構數楹以寄朝夕浮游江海間不能自還或靳之曰桑
蠶作繭猶知纏裹其身子漫不爲計空言何裨應之曰

余游者也某水某邱游之寓也苟寓矣又何營之有秦
望東南遠欲無依稀禹穴向姚虞幾時把酒鄞江上卻
對鄉山看此圖是余所題江水歸興圖詩也嘗求之則
隱之意可見矣昔文中子志不願仕唯願上之人正身
修德使時和歲豐已受其賜余雖不及古人苟獲所志
泉石林壑之娛風雲月露之賞不必弁山也夫歸必有
資既不能自資資於人而歸又余之所不能情發于中
而形于目言之曰弁山小隱吟錄錄以畀吾兒私藏之
于以紀吾游之寓而鄉土親戚之思亦可見也至正乙
酉冬十二月甲子弁山隱民黃玠序

弁山小隱吟錄卷上

吳興叢書

元黃玠撰

古體五言

擬古

龍馬負靈圖八卦開人文天運當寅中民時方大所制
字乃未多所言爲典墳一往數千載懷哉聖神君

翳林無陽土暗谷多下泉登山履眾險險盡見杪顛人
居物物中物物能蔽天將身出物表萬象始昭然
一氣成歲功孰爲四分之遂使春木榮不知秋葉萎天
道自有初物命亦有司任運得吾性無爲無不爲

天高九萬里疾若弩矢馳白日猶在下況爾眾物爲翺

羽刷俊彩強欲凌空飛去人若不遠但使見者疑

感懷

積陰不可掃積懣不可道君子所可道小人以爲黷世
事終渺茫物情慢衰老歸來日未昃自去庭中草

仙人大還丹可用更凡胎舉世不謂然逝矣誰能哀萬
事惟有醉奴子抱琴來十倍李供奉一飲三千杯

矩步恆不于捷走能千迴感彼元髮化聊復少銜杯陰
草夏卽莞陽花冬亦開天序自有定不是偶然來

有酒可用醕無酒我當酤天運歲益差人事日不如羽
蟲何多言木葉已無數淒其眾草晚樂與佳菊遇

物蠹豈有極造物難爲工我將剔除之刺芒鋸若鋒小

枝食已盡大枝旋復空蟲多飽卽死花落爲枯叢

盆中梅樹子爲爾可憐生寒泥不五斗勿與大塊爭移
置池水頭照影池上冰和冰嚼花蘂天地無餘清
娼鳥不可馴娼女不可親野性自難定豈知愛其身干
金買少妾屬託在宅人譬如道旁花竟是爲誰春
駑馬少良駒淑媛多令子大易重咸恆關雎明謹始橘
樹生南州渡江卽爲枳地氣使之然如何論天理
江左言風流王謝爲稱首謚旣坐姦回澹亦虧節守清
談本廢事何物非芻狗不忍書義熙侃獨有佳後
子雲投閣生綠珠墜樓死事主心弗移不若一婢子哀
哀莽大夫千古穢青史草元數萬言焉用識奇字

燔肉既不至孔子輒去魯醴酒不復設穆生亦辭楚古
人道義交政在慎出處寥哉聖賢心夫豈餽啜故
花開君勿折花謝君勿掃掃花傷花心折花畏花嫩但
令尊有酒中懷得傾倒從花自開謝開好謝復好
上客有馬驪故吏有任安二子久已死益見交道難軟
語相媚悅顛倒若轉丸孰云是可忍怒髮爲衝冠
南州辮髮兒相從事觚槩陳遵好尺牘暇日聊口占悠
悠歷歲年寒暑若病疴道德負初心誰獨受鍼砭
客有千金兒過我十尺舍狹隘不可留飛丸出彈射腰
下雕玉螭粹好絕釁罇信美非所珍聊足以相詫
未經有遺音琅然動清汜自喜若弗勝入耳何颯颯君

子道吾常哢俗多雜儻但念賞人稀不知聽者厭
白日何瞢瞢人中有梟獍酖毒不可懷猶將恣酣營司
命主督察雷公布天令愼爾恐自戕微我相詬病
儒有席上珍把玩足無厭梅花雖苦寒其中自清澹富
貴如燎毛炙手方炎炎貪戀之謂何仰天一長欠
昂然三尺松種之五斗盎俯身就嵌石毛髮如鬼狀雖
蒙華屋居故性終木強誰當解其鬱使彼得疏暢
久客念還家還家復如客行李未及安期日相促迫匆
匆問衣襟草草篋書冊終歲恆若斯幾何頭不白

題吳季良東明軒

朝日出暘谷照我軒東榮煌煌天光發湛湛旦氣清定

志息喧襍澄心養虛靈八牕啟扇鑰萬象生光明

賦顧梅西煮雪窩

搖竹取殘雪松聲動寒吹金懷少餘歡石鼎作雅事極
清超水品至淡出天味行過梅花西喚起幽人睡

采蓮女

川日出已高江霏散如霧但聞采蓮曲不知采蓮處雙
雙相思鳥飛上相思樹幽人空爾懷欲往畏多露

寄胡伯衡兼呈叔父元理元美

憶昔少年日慷慨賦遠遊晨起攬白頭始知天地秋寒
雲去鴈斷落木窮猿愁親故各異方誰當慰淹留此邦
非吾土悵望登茲樓長歌動幽憤汗漫不可收

陽鳥尙謀食候蟲猶念衣口體見驅迫使我遠別離
歷路半千迢迢江兩涯悠悠去鄉邑往往見繁縻年衰
酒況惡引飲不滿卮形影相嘔惜恐爲時所悲弁山非
故山愴然寄幽期餘生苟未隕猶及爾東歸

題章德懋蘭

竹樹何翳薈蕙蘭自奇芬水墨寫清影猶疑見湘原欲
持一卮酒酌此千歲莧但恐醉中意難與醒者言

賦傅伯玉來青軒

兩山送青來與人終日閒爽氣逼眉宇不似在塵閒仰
觀天中雲擾擾去不還始知靜者佳取琴當戶彈

南堂偶成似衛耕先生

倚闌看池水池水清若空煙沈樹色底日行雲影中翾
羽晞薄霧游絲汎光風躍魚自幽潛豈望能爲龍才劣
不任官力弱不任農清世有華民我辰非不逢

賦陸子敬舊時月色亭

古月卽已舊今月乃更新解后見顏色梅花如故人挽
彼簷下枝掛我頭上巾摘花不插髮踏月走千巡橫笛
且勿吹良夜亦易晨恆恐明日至使我跡復陳願因白
兔公託根冰雪輪結子近瓊樓永與桂樹親

月下獨酌似謝季初叔久兄弟

風休露欲下雲過月如走一尊良夜初萬事中年後太
白眞仙人俗客匪其偶孤斟不成歡引影作三友我今

笑問影頗亦解事否既能隨我身胡不開爾日傾杯月
入懷停杯月在手此月豈眞月不飲復何有

寄衍上人索畫蘭

薄言采蘭蘼蘭葉紛湘沅誰云上人遠僻處荒山原崇
炫非素心澹泊性所存亦同桃李春不同桃李繁
眾芳非不佳蕙茝尤楚楚亦荷雨露私如何在榛蕪庶
將展微勞攬置羣玉府時我方未遑臨風獨延伫

漁子蕩兩槳來從湘水濱手抱青蘭枝言報山中春問
我日日醉恐貽楚叟嗔獨醒不在酒舉手謝野人
日出躋北林日入下西澨幽芳隔遠水水寒不可厲歸
來看畫圖瀟灑美風製萬事何必眞聊與爾同世

遊幻住菴留贈月千江上人

出郭動柔櫓春花始班班
俯舷照清流正見衰病顏
形影自相笑浮沈人兩閒
胡能卽有定波蕩不得閒
村雨農事殷溪晴客衣暖
佳人同綵舟沿洞繞芳甸
吳蠶近三眠魯桑連百畹
相將采白蘋日與春俱晚
旣雨天復佳鳴鳥聲故故
前溪春已深勸我脫布袴
刺篙亂清漣艇子入浦漱
我袴不用脫汝自顧汝婦
維時桃始華野眺欣有睹
沿洞度桑隰迤邐見穀土
山虛龍出雲谷暖鳥鳴雨
耒耨良足勤力薄柰何汝

謝長源爲余言燕子事有感

舊雌有眾雛新雌來殺之
蒺藜刺中腸竝死無一遺
持

竿逐娼鳥惡土汙人衣彼雄誠不才怨心當語誰祥覽
令我懼彼壽令我思物態尙如是世情良足悲

慎勿買良田

慎勿買良田良田有豺虎豺虎不汝食官司摧剥汝公
廩多急輸里正遭箠楚肉盡卽見骨家破無死所茹葑
何必辛茹荼何必苦傷哉浙水民因此一犁土

與戴彥季張和倫游南山玲瓏洞

放舟出清茗鳴榔聲了牙厯厯覽勝絕行行入幽遐玲
瓏洞穴古疑有仙人家清風石上起吹老良薑花

與韓介石聞人梅礪遊黃龍洞

龍君所幽潛嵌空若智井投石風轉雷股栗怯深迴僅

奴夸捷走嘯呼已絕頂升高只自危聊復罷吾興

次韻孫尤實言詩

佳詩如飲泉一寒乃清真妙趣欲無我寧復有襲因學
之三十年同光猶隙塵擾擾共高下未足輕眾人多忤
言可忘薄奉氣乃醕羲黃復何心適當天地春

與梁邦彥對雪飲酒禁體

五精闡嘉瑞一白徧林藪飄洒集眾妙點綴出羣有覆
藏失垢汙摧壓見節守歲華乃爾清夜色不得勦僮奴
掖醉歸跡足沒已厚人生幾兩屐素髮一搔首

移舟

移舟發江夕遠浦入雙樹炷竈動煙火野宿在中露波